



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

XCII. Cvno. LXVI. Arch. XXI. Elector.

[urn:nbn:de:hbz:466:1-64326](#)

pissent Augustum Hospitem, honoris nihil Boemundus prætermisit. Inter dona Cæsari gratissima venit corpus D. Palmatii Martyris Treviris in Bohemiam translatum donante Boemundo. Annis sequentibus auctæ & firmatæ Electorales ditiones. Ætate ad senium vergente, Boemundi mansuetudine abusos fuisse inter alios memorant Philippum Comitem Isenburgicum, & Rupertum Palatinum, quorum hic arces firmandis rebus suis moliri cœpit, jure à Wesaliensibus impeditus: ille verò Gretensteinum non procul Vilmaria excitavit: unde Cuno Falckensteinius senescenti Archipræfuli in Adjutorem datus, Philippum Comitem cum devicta arce interceptit, & repetita rebellione denuo captum Electoris sui arbitrio reliquit: Elector verò membris omnibus captus morti succubuit an. 1363. Sed. an. 9.

XCII. CVNO. LXVI. ARCH.

XXI. ELECTOR.

CUno stemate Falckensteinius ab Innocentio IV. Pont. confirmatus & inauguratus, continuò cum civibus, certis patetis est legibus, ut domi res forent quietæ; quem in finem urbi Trevirensum Hebræorum 50. familias indulxit, quæ tributa solverent. Verùm urbs eadem libertatis Democraticæ studio capta, à Cunone vi, ab Imperatore judicio pressa, sensit se frustra obluctari; unde oblatam ab Electore suo pacem admisit. Hic verò ad Dicecensis curam conversus à Winnebergiis arcis Bilsteiniæ partem coemit. Molsbergum quoque adjunxit Ecclesiæ, & Comitem Silvestrum cum prædonum manu latè grassantem fregit. Andernacenses non minùs potestati sacræ obtrectantes non sine multa compescuit. Rebus permultis aliis ritè compositis bella perpetuò declinare studuit, experientiâ præclarè doctus æstimare fructus pacis eximios. Tempore pacis exornandis sacris ædibus intentus, D. Helenæ caput ex Galliis Treviros in summam ædem

rransl.

transtulit: dotavit pariter SS. Trinitatis, DD. Nicolai, Agnetis & Georgii aras proventu annuo, ut Sacrum in dies fieret ex voto Bohemundi. Eadem ætate Engelberto Coloniæ Archiepiscopo vitâ functo, in Sedem invitatus Cuno Administratoris munus, minime verò dignitatem ipsam admisit, insigni Coloniensis Ecclesiæ fructu, quem in rebus cunctis diligenter quæsivit. Imperatoris Caroli gratiâ potens, privilegia & nova & vetera curavit confirmari, & beneficiis augeri inauditissimè haec tenus, inter quæ venere telonia Septem-Viris Imperii ab Imperatore donata, ut Wenceslaum filium crearent Cæfarem, tanto Solio futurum indignissimum, præsertim difficillimo tempore, quo Ecclesia & Imperium tempestatibus maximis cœperunt concuti. Archipræsuli interea curæ fuit diversis nobilium clientelis res suas ornare & firmare; nobiles iidem erant Spanhemii, Nassovii, de Marca, Seinæ, de Wiede, Isenburgicus, Reuschenbergii aliisque. Brechena inferior ab eodem muris est cincta. Idgensteinii quoque Canonicorum Collegium instituit, hodie hæresi abolitum. Inter postremos labores Cunoni erat expeditio Ravensteiniana, qua unâ cum cæteris Ecclesiasticis Electoribus Ludovicum eius loci dominum, prædonem plurimis gravissimum domuit; quietis demum appetens in Wernerum pronepotem suum Urbano VI. Pontifice annuente, Canonicis verò obstrepentibus Pedum transtulit an. 1388. Sed. an. 20.

XCIII. WERNERVS. LXVII. ARCH.

XXII. ELECTOR.

Wernerus de Königsteiniorum stemmate natus, & multis virtutibus exornatus Treviris Archidiaconus, Canonicorum demum etiam admissus est suffragiis. Lite una sublata, mox altera eidem est nata cum sanguine proximis, qui Cunonem Archipræsulem nuper mortuum thesauros soli Werner cognitos abscondisse crediderunt. Litibus accessere pugnæ, quarum